



# 中國大運河歷史文獻集成

66

主編 王雲 李泉

國家圖書館出版社

第六十六册目錄

續行水金鑑 卷一百二十四至卷一百五十六

清·潘錫恩等編纂

.....  
一

嘉慶二十年二月初九日黎世序奏奉

上諭據巡視東漕給事中卓秉恬奏請節節湖水以利漕運一摺微山湖蓄水本以接濟韓莊八閘及邳宿一帶運河上年微湖水勢短絀不敷鋪至江境多方疏導始克濟運本年微湖雖蓄水寬裕然江境仍當加意撙節兩省同辦一事總當不分畛域該給事中稱邳州各閘啟閉僅以一主簿兼管恐其照料不周啟閉失宜請於河清河定河成等閘派員經管著黎世序酌於江境各閘官內或擇其事務較簡者改設一二員或酌添一

員幫同管理該處閘座以專責成欽此伏查邳宿運河

內現任行漕石閘共計六座均歸各該汛員管理並未專設閘官亦無額設閘夫空重漕船經過之時各汛員率令沿河堡夫相機啟閉亦不另給工食內匯澤閘係邳州直河司巡檢管理利運閘係宿遷縣運河主簿管理濰流閘係宿遷縣中河縣丞管理每員專管一閘不虞照料難周惟河清河定河成三閘係邳州新安司巡檢一員管理嘉慶十八九兩年東省微湖水勢短絀運河來源較弱臣與督臣百齡等商設法蓄水啟閉加嚴恐該巡檢一人照料難周當將河定河成兩閘另行委員分管僅有河清一閘仍交

新安司巡檢管理每閘各有經管之員專司啟閉並

未僅以主簿一員兼管三閘臣與督臣百齡亦嘗計議於河定河成兩閘專設閘官而通工閘官額缺並無可以裁改之處若添設閘官必設閘夫一處添設閘夫其餘各閘亦必援例請添每歲增給俸廉工食即多繁費查山東運河各閘相離較近者或一官管理兩閘或一官管理三閘或並無專設閘官就近歸於汛員管理亦未每閘各設一官所有邳州河清河定河成三閘相離不遠平時統歸新安司巡檢管理足資照料漕船經行之際添派委員各管一閘專司啟閉歷司辦理失宜似可毋庸添設閘官轉致紛更

糜費奉

硃批既能兼顧不必增添

南河成 案續編

三月十五日卓秉恬奏臣自去冬抵濟以來周歷河

干留心體訪見聞所及謹擬四條上陳

御覽 一攔河大壩宜歲加修築也韓莊堵築攔河大壩前兩年雖亦有此舉然在空船過竣已無水可收必須趁重運方完空運未至此時總空一月有餘攔河一壩於收水大為得力創自上年甚有明效雖於差民船隻守候多時稍有不便然國家大務亦不能瑣瑣顧恤上年河臣李鴻賓辦理堵壩即於江南山東交界徧貼告示諄諭官民船隻如

有緊要事件作速改由陸路毋致觀望自誤並將尾幫以後之銅鉛竹木貢物各船嚴提跟接糧艘前進即閉閘堵壩是以河水入湖涓滴不漏辦法實爲安密應請

旨敕下河臣責成運河道永遠遵辦則微湖水勢永無短絀之虞 一湖水毋得任意啟放以重儲蓄也微湖接濟邳境自應不分畛域然彼此稍存意見下游索水太多上游只得暢放雖水櫃十分充足一經漫無節制則盈者立湖前兩年雖因引渠淤塞收蓄失機以致日涸一日而放水過當掣耗甚多其弊亦半由於此應請

續行水金鑑卷百三 運河水三

旨敕下河臣嗣後塘長各河鋪水總以四尺五寸爲率運河正好行船即不得輕放湖水如偶有淺澀仍照向例頭進南糧微湖放閘口水二尺四寸二進船放水三尺二寸三進船放水不得過四尺毋得任意啟放致耗洩無餘以重儲蓄 一禁啟通漕以節湖水也每年夏間發水時催漕各官輒令各閘啟板水勢直瀉謂之啟通漕其意固爲速漕起見不知山水易洩難留旋即消耗微板二三日湖可立待又須設法撈淺及下倒板等事是甫送一二幫卽有數幫停滯真爲欲速反遲此乃漕弁不識全河形勢機宜往往向閘官爭執亦耗水之一大端也況古人立閘備板

之意原爲關束水勢縱有盛漲亦祇須啟水面上板數層其下半板塊亦斷不可啟也應請

旨敕下河臣漕臣永遠禁啟通漕則各塘存水寬裕雖糧船頂閘過閘啟閉需時而有水不患船不速矣 一嚴閉閘板以便節宜也東省運河全恃諸泉之水從石罅泥穴中尺疏寸導積少成多源源接濟其間或數十里置一閘或數里置一閘必上啟下閉互相灌輸方可浮送閘座自宜堅固而閘板亦須整齊假使稍有未善啟閉何以能嚴臣於督催挑工時遍查各閘閘板自河臣李鴻賓督飭添補齊全現在無殘缺之患惟添補閘板固係遵循舊例然恐久而或懈其漸不可不防應請

續行水金鑑卷百三 運河水四

旨敕下河臣責成運河道每年春秋二季重運未入境前空運出境後逐一確查添補預爲之備庶啟閉愈嚴於漕運實有裨益奉

上諭給事中卓秉恬陳奏稱攔河大壩宜早堵築啟放水宜加撙節並禁啟通漕添補閘板各條內有李鴻賓已經試辦於前者著該河督將所奏各條詳悉酌核如果於河湖漕運實有裨益卽會同漕運總督妥協辦理

是月二十一日吳璣李鴻賓卓秉恬奏東省運河挑工昔律完竣臣李鴻賓業將酌啟汶壩南北鋪水緣

由會奏臣等查本年東省各湖水櫃滿蓄俱極充盈  
汶河水勢亦因泉源暢注較勝往年三月初四日啟  
除汶壩並酌開馬場獨山等湖放水鋪入運河南至  
韓莊北至臨清共七百餘里均一律鋪足深至五六  
尺不等其韓莊以南八閘及江境邳宿一帶專輒徵  
山湖水鋪灌向例徵湖大壩催南糧首進幫船陸續  
抵濼流開下江省定期知會鋪水始行啟放今東省  
嶧汛大泛口屢歲搶辦工程於江省啟除黃林莊界  
壩後加雇人夫剋期償辦已於初五日前如式安竣  
專候江省知會到日即啟放湖口壩鋪水南注初七  
日據江南徐州道稟稱截至上月三十日漕船渡黃

續行水金鑑卷百五

運河水

其有八幫挽抵濼流開下五幫其在後之船於中河  
境守候臣等查南糧幫船雖接續渡黃並以次行抵  
濼流開下但計算幫數尚少若先將徵湖啟放未免  
虛耗較多惟現屆三月下旬為期已不為早不能不  
預為放水迎濟臣等即飭運河道率同廳營等定於  
十八日將徵山湖湖口大壩集夫啟除限二十二日  
透水下注八閘遞鋪江境邳宿一帶庶已經渡黃及  
行抵濼流開各幫即可先行挽入東境約計頭進首  
幫到境已須月杪而東省湖濬充裕塘長各河水俱  
深足即入境之期稍有稽滯亦可儼緊北上以速補

運河  
道冊

四月初八日百齡張師誠黎世序奏淮安府山陽運  
河東岸向有涇河石閘一座閘下涇河一道計長六  
十餘里每遇汛期啟閘宜洩河水下注由山陽寶應  
鹽城各縣穿蕩歸海兩岸民田藉以灌溉向來修閘  
挑河均須農民自行捐辦上年因閘壞河淤籌議修  
疏當以工鉅費煩民力難任而一處河道未便兩請  
動項是以議令河身仍聽農民自行挑辦閘座緊要  
經臣等援案奏明借項興修仰蒙

恩旨俞允趕修完竣從此宣洩有資濱河士庶咸頌  
皇仁淪肌浹髓修閘之後即應挑河無如該河因積年  
減水下注淤墊實甚兼之工段較長需費甚鉅復因

續行水金鑑卷百五

運河水

上年遇旱歉收民力實有未逮河底既高啟壩放水  
宣洩不暢屆今黃流復故驟臨大汛若運河盛漲慮  
致芻溢隄堰既已堪虞而河水減洩無多民田難資  
灌溉實關緊要前據署山陽縣何因綸詳據士民吳  
學潛等環請循例借帑興辦分年攤徵還款臣百齡  
查核縣詳雖係實在情形但該河閘座甫經借款興  
修其挑挖河道未便再請借項批飭司道籌議具詳  
茲據署江寧布政使昌德淮揚道徐承恩會詳稱涇  
河淤墊原應民間自行挑濬惟因該處連年歉收民  
力倍形拮据若專責民間自行挑辦勢必不能集事  
若稍事因循於疏消運河盛漲既不得力而農田灌

既無資更於小民生計有礙司道庫內又無閒款可動現據民人再三籲請借項攤捐察其情形不得不權宜辦理茲又飭令現署山陽縣王佐並委員裏河同知沈植蕃河營千總張旭陽等會同確勘按例攤節估土方夫工銀二萬五千六百四十五兩由府詳道復經徐承恩親詣勘估無可刪減請於河庫墊發卽委沈植蕃王佐署清河縣知縣龔京正分段趕緊承挑子限完工仍由江寧藩庫籌撥解還河庫於前項開座借項徵還之後續將所借銀兩分作八年按田徵還歸款臣等伏查修闢挑河二者並重涇河開座既蒙

續行水金鑑卷百四

運河 七

恩准借項修竣刻下挑浚涇河實爲疏洩河流灌漑農田必不可緩之工仰懇

聖主俯念河闢事同一例挑疏萬難稍緩

允准循例借支給辦仍責成道府駐工督令承辦各員認真與挑務使照估如式妥速完竣臣等親往驗收稍有草率偷減卽行嚴參罰賠奉

上諭山陽縣涇河開座前經借項興築其河流淤墊處所原應民間自行挑浚據百齡等奏該處連年歉收民力拮据一時難以集事而水利農田關係緊要辦理未便延緩加恩著照所請將估需土方夫工銀二萬五千六百四十五兩先由河庫墊發飭令委員趕緊挑疏勒

限完竣仍由江寧藩庫籌撥解還河庫至此項應行攤徵銀兩並照所請俟前項修闢借款徵還後分作八年攤徵歸款以紓民力

南河成案續編

五月十九日吳璣卓秉恬奏本年開河水勢充盈前於押送首幫出境後折回臨清一帶會同撫臣陳預分飭地方河員備制撈淺實力辦理節經先後具奏查衛河源出豫省向年入夏以後天晴風燥水勢日消必須設法妥辦始可無誤漕行現經撫臣陳預駐劄該處督同濟東道德啟運河道洪範一面嚴飭各州縣暨河工廳汛等官於古淺新淤處所募夫撈

續行水金鑑卷百四

運河 八

浚一面於例備官民剝船之外委員馳赴直境添雇民船現在已數剝運臣吳璣復飭運河道於上河廳之柳園頭石佛寺半壁店等處酌做草壩三道下河廳之渡口驛南草寺三里口祝家屯夏莊營房娘娘宮等處酌估草壩六道並於每壩密下挨牌層層關束擡高水勢連日幫船行走較前已速茲於十一二三等日濟寧連得大雨據濟南兗曹泰安東昌等府陸續稟報得雨三四五寸至深透不等汶河於十三四日長水七尺二寸泗河於十二日長水三尺六寸臣等飛飭該管廳汛酌啟斗門水口單閘將運河有餘之水收納入湖查昭陽南陽南旺三湖各長水三

寸微山湖長水一寸二分獨山湖長水四寸馬場湖長水二寸三分馬踏湖長水二寸七分並據上河廳稟報衛河於十二三四等日亦長水八寸南糧重運截至五月十三日共入東境四十四幫已過濟寧者四十二幫出臨清口者十三幫衛河現經長水之後幫船量為起剝即可連檣前進臣卓秉恬現往韓莊一帶迎提二進尾幫並嚴催三進幫船臣吳璣仍在濟寧上下加緊督催不任稍有稽滯

連河道冊

是日吳璣奏竊照接管內前任河臣李鴻賓接准軍機大臣字寄三月十五日奉

上諭前已恭錄欽此伏查前河臣李鴻賓由京回濟即與臣

續泉齋卷一百一十五 逆河水九

詳細講論均屬應辦要務一而咨商漕臣未及具奏臣復將逐條細加酌核謹就愚昧所及開列於後  
一卓秉恬所奏攔河大壩宜細加修築一條查同空糧船過竣後水已微弱即攔河築壩所收亦屬無多自須夏秋山泉漲發時收水入湖方能暢足上年李鴻賓因微山南陽南旺獨山等湖俱成平陸六七月間山泉正旺若專恃運河之水由單閘水口入湖而直往南注者聽其虛洩斷不能收符定誌是以重運甫竣即趕築攔河大壩盡數收入微山等湖涓滴不漏始能將全湖之湖於數月內頓復舊規實已行之有效該給事中請歲加修築自係預籌蓄蓄之良法

惟各湖存水過少之年必應照此趕築方克有濟若重運全竣後湖水已漸符定誌或所短有限計各單閘水口所進之水可期收足似宜斟酌變通從緩堵辦於商民船隻往來亦覺兩便是在司河各員因時制宜不必拘泥亦不可因循總以湖漸收蓄敷足為准自可永無短絀之虞 一湖水毋得任意做放一條查各湖水櫃以微湖為最要蓋東境八閘及江南邳宿運河全賴微湖挹注兩省盈絀相因未可稍分畛域如江境浮送不敷固不可偏執惜水之見而東境掣耗過甚亦恐有後力不繼之虞若下游索水太多一時自覺快利而湖水過耗難以收符定誌次年

續行水金鑑卷一百一十五 逆河水十

卽形短絀於江境亦有不利用應通盤籌畫彼此相關是以向例啟放湖口壩暢放三晝夜鋪灌邳宿長河之後俟幫船到境再量啟湖口閘木板接濟頭進放水二尺四寸二進放水三尺二寸三進放水不得過四尺本屬多寡適中宜節兼顧方能避年無虧該給事中有鑒於十七八等年不特收水失機兼之用無節幾致貽誤全漕所請湖水宣放濟運只須足敷行船而止不得任意啟放致令耗洩無餘洵為先事預籌以保湖水常充漕運順利之要務自應如所奏酌定宣放湖水章程永行遵辦 一禁啟通漕以節湖水一條查山水驟漲奔騰下注其來雖旺其退

亦速專藉各閘層層關束始能攔截歸湖若一啟通  
清勢必南浸者多入湖者少於收蓄之計大有關礙  
卽因水勢猛驟恐致閘板皸裂亦只須酌啟水面上  
板數層以資分洩仍留下半板塊不使全往南注方  
爲妥善該給事中稱夏間發水時催清各官輒令  
各閘敞板固爲速漕起見而不知山水難留洄可立  
待又須撈淺及下倒板等事轉致欲速反遲誠屬洞  
悉情形切中利病亦應如所奏永禁通漕以裕湖蓄  
一嚴密開板以便節宜一條查開座原爲攔蓄水  
勢互相灌輸若板塊短缺則暗中耗洩閘同虛設前  
數年間板處處缺少實亦耗水之一大病經前河臣

續行水金鑑卷一百五 運河水

李鴻賓查明嚴飭添足試行有效現在雖已完整該  
給事中恐日久懈生又蹈覆轍洵屬思患預防之計  
亦應如所奏專責運河道於每年冬春二季重運未  
入境前空運出境後督令廳員確切詳查一律添補  
齊全則啟閉愈嚴於漕運湖漕均有裨益以上四條  
遵

旨詳悉酌核並咨會漕臣一體妥協辦理奉

硃批依議速行

運河道冊

是日吳璫奏運河廳濟寧汛隄工爲漕運往來絳道  
兼資保衛攸關緊要自嘉慶四年修築並十六年擇  
要幫培後歷經伏秋大汛水長隄塌衝刷殘缺上年

疊次大雨漲發尤爲湧驟自石佛閘上小龍灣起至  
魯橋涵洞止一帶河道上承汶府洸河來源匯流入  
運又因下游泗河之水全出魯橋頂托致水勢積長  
拍岸盈隄兼之東坡積水寬深兩面汕刷隨時搶護  
得保平穩迨水落歸槽後查驗堤工有刷去石眉以  
上土隄一半者並有隄頂剝削僅存寬二三尺者在  
在卑薄險要堪虞亟應擇要趕緊修築高厚以資抵  
禦而通緯挽據該道應擬估增培隄工二十七段共  
需銀六千九百五十餘兩臣詳加確核內有次要工  
段尚可緩修計駁減銀一千四百餘兩其實在殘缺  
卑薄必應趕辦之工計十八段長一千六百九十六

續行水金鑑卷一百五 運河水

丈共估需銀五千五百三十八兩又捕河廳東平州  
汛汶河西岸戴村石壩迤南五里十三步土隄內戴  
字五號堤工原長一百二十丈形勢兇灣坐當汶流  
頂衝土性沙鬆歷年伏秋水長汕刷本已卑薄上年  
汶流疊漲奔騰湧注幾至漫隄雖經搶築高厚而隄  
形兇灣之險未除必致愈刷愈灣倍形喫重儻值異  
漲潰塌水由旁洩於濟運湖漕均大有關礙急應就  
勢估築柴土挑壩三道挑溜東趨方資保衛因所估  
浮多嚴駁刪減茲已減定實需銀二千五百六十四  
兩以上兩廳隄壩工程現據運河道分案具詳臣復  
加查核委係應辦要工所估銀料按工確核已無浮

多請於運河道庫節省八束項下動支分飭趕辦奉  
硃批依議速辦運河道冊

是月二十六日李逢亨奏竊臣於十四日敬聆  
慈訓十五日

陛辭後即日出京回至永定河適十六十七日連得大  
雨十八日永定河連底水長至一丈五寸當與新任  
永定道周歷險工將防護事宜逐一商確二十日河  
水旋已消落臣即自固安起程經過新城雄縣任邱  
河間獻縣阜城景州出境均得甘霖沾足禾苗勃興  
秋成可望查河道與地方相表裏地方豐稔河工即  
可安瀾此皆仰沐

皇上洪福  
續行水金鑑卷一百五十二 運河水三

至誠感召之所致臣於二十六日行抵山東德州目睹  
運河水勢深通糧艘行走迅速並詢知衛河水亦充  
裕南糧進行即由臨清一帶察看開壩嚴飭小心啟  
閉當節有用之水以備不虞之需六月初七日奉  
硃批勤慎二字刻不可忘勉之運河道冊

六月二十四日百齡黎世序奏查邳宿運河上游山  
水屢次長發各開啟板尚然流行不及酌啟利運濬  
流兩開越壩以分猛驟之勢而河成匯澤以上開門  
水勢猶高下懸殊船行不能迅速臣等復飭運河廳  
營將各開越壩全行啟除以平水勢幫船由各開金

門並越河兩路上挽倍為暢順第向來山水長發雖  
驟消落亦速誠恐來源稍弱開壩俱開底水易耗仍  
一面酌備物料以便收窄壩門藉資收蓄一面飭調  
河口官剝船隻前赴邳宿以備起剝償行之用茲於  
六月二十一日三進船三十二幫已全行挽出江南  
黃林莊境查上年多一閏月三進幫船於七月初十  
日全行出境本年無閏比較上年早至一月有餘東  
境運河水勢充盈可期早達

天庾南河成案編補

七月初七日陳預奏濟寧楊家壩隄岸於上月十六  
日因府河水勢陡發衝刷當即飛飭運河道洪範就

近查勘疏消奏報  
續行水金鑑卷一百五十四 運河水四

聖鑒旋據該道及署知州稟報趕緊堵築斷流將漫水  
設法疏消至二十二日水已消退居民復業其濱臨  
蜀山馬場等湖窪地因雨多積潦亦有被淹之處現  
已設法疏消並據汶上縣知縣稟報縣境李太口草  
橋等處民堰亦被漫溢開放洪仁橋等處單開宣洩  
茲已全行堵閉現將陡堰加高培厚查上月中二  
旬雨水積多在平莘縣低窪之區亦不免有被淹之  
處所喜數日以來天氣晴朗臣現飭藩司委員會同  
該州縣逐一查勘其過水之區如田禾間有損傷即  
令隨時補種雜糧俟勘明情形再據實奏

聞至衛河水勢前因據報日漸增長恐有捫阻之虞臣  
即飭濟東道德啟派委前往臨清州楊嗣會馳赴四  
女寺察勘誌稽查照向例水至一丈六尺即開放支  
河宣洩旋據稟報上月二十五日衛水長與水誌尺  
寸相符即會同應汛啟壩開放河流立時分注復據  
濟東道稟報自啟放支河因衛源盛漲臨清閘外水  
勢尚未見消落六月二十八日趕緊將杭嚴四幫船  
四十七隻備出臨清口次日即汶衛相平該道督同  
上河廳將頭閘嚴密加板已衛高於汶二寸箝口壩  
外漸有沙淤俟衛水平減即行提閘放船臣當即飛  
飭恩縣知縣張恒將支河口門橋孔全行開放暢洩

續行欽定全錄卷百三 運河水 五

水勢並飭該道德啟督同署臨清州宋鑑俟衛流平  
減汶水蓄高即將箝口壩口門淤沙督飭趕緊撈挖  
啟放閘板藉溜衝刷將抵閘各幫船趕運出閘至現  
在閘外隄堰尤關緊要已令各州縣會同河員督率  
人夫上緊培高加厚以資保衛  
運河  
道冊  
九月初八日李逢亨吳璣奏連河設立閘座專為節  
宣水勢必須閘身完整板塊齊全視水勢大小相機  
啟閉實為漕運攸關至緊至要臣吳璣於上年查勘  
各閘多有年久損漏急應徹底重修因恐同時並舉  
工費繁多會商前副總河臣李鴻賓酌量緩急請分  
年修理以節經費具奏在案臣李逢亨到任後因值

重運經臨未能修理當飭廳閘各員略為補砌勾抵  
暫資挈托總非經久之計茲據運河道洪範詳稱泃  
河廳沛縣汛楊莊閘一座建自前明迨雍正乾隆年  
間各拆修一次嘉慶四年補修上六層十五年補修  
上五層迄今又閱數年閘底椿木朽爛兩岸金門由  
身及雁翅轉角各牆石多半坍卸脫落坐蟄殿裂又  
四雁翅尾亦皆掣裂殘損閘底石塊掀揭參差難以  
下板擊著又運河廳濟寧州汛師莊閘一座上承汶  
水衝擊而下游泗河長發渾流倒漾淤墊堪虞全賴  
此閘啟閉得宜最為緊要該閘自乾隆十一年拆修  
以來歷今六十餘載底椿朽腐牆石酥損金門兩岸  
由身轉角雁翅裏頭等處全行腹裂閘底衝掀槽石  
破碎通身滲漏並該閘地勢低窪應加高三層方資  
攔蓄又上河廳堂博汛土橋閘一座乾隆二年重修  
迄今七十餘年金門槽石兩牆由身石塊脫落透水  
掣傷裏石其轉角雁翅裏頭閘耳亦全行酥損閘底  
椿木朽腐底枋斷折底石衝掀難以啟閉並盛漲時  
水漫閘背亦應加高三層以上三閘急應徹底拆修  
並展挑月河築壩厚水等工詳請具奏臣等復查各  
該閘實係通身損壞不特啟閉維艱儻牆石坍卸致  
礙重空漕艘往來所關匪細洵屬緊要之工但核其  
所估銀數較多臣等正在豫省督防秋汛未能親往

續行欽定全錄卷百四 運河水 六

查勘當即遴委幹練工員隨同運河道逐細勘估茲據該道等詳覆共核減銀二千三百七十餘兩並選取舊石抵扣新材料外計楊莊開實估例幫價銀一萬四千二百六十餘兩土橋開實估例幫價銀一萬一千七百三十餘兩現值回空糧船南下俟指日全竣即須趕緊興辦於明年鋪水以前普律完竣所需石料應先期發價採購運工臣李逢亨一面移咨山東撫臣陳慎酌撥司庫銀兩辦理俟霜降安瀾回抵濟寧即親加覆勘有無浮估詳慎稽核奉

硃批依議工部知道

運河道冊

十月二十八日黎世序奏邵宿運中河水勢充足但

續錄金鑑卷百四

運河水一

時已交冬應行節省所有運河各閘越塌及楊家庄口門頭二三塌現在飭令照例接築以資擊托而利漕行河口福興正越兩閘年久損壞本年春間已將正閘拆造完工現將該閘上下及荷包塘兩岸應做裏頭護埽並填築隄工殘缺之處均分別辦理以便啟放行船騰出越閘起估拆造揚河廳之車邏南關兩塌塌底均已先後修築完固惟二塌本年啟放日久其南金剛牆年久未修石塊多有酥指牆身整裂車邏閘亦年久損壞據該道廳稟請急須拆造以備來年啟放現在估計辦理其餘各處工程一律平穩回空漕船截至十月二十七日已渡黃六十二幫暢

行無阻在後幫船僅止六百七十餘隻如能跟接來江可期計日全行南下不致有東阻之處清江一帶二十五日戌刻起至二十六日申刻止得雪二三寸時交小雪即渥被祥雲在地麥苗滋培雷足預兆豐登民情極為歡抃十一月二十五日奉

硃批欣慰覽之

南河成案續編

十一月初四日李逢亨奏竊臣於霜降安瀾後回至濟寧督催回空漕船查勘隄堰各工查運河為漕艘經由要道必須河水充盈而隨時宜蓄尤在隄堰完整閘塌堅固方可無誤機宜臣前於五月赴任時由德州臨清一路沿河查勘見兩岸官隄民堰單薄卑

續錄金鑑卷百四

運河水六

矮之處甚多難資捍禦因時已大汛重運盛行不及估辦當經會同撫臣陳預分飭河工地方該管之員擇要修補嗣值河水盛漲嚴密防守幸保無虞臣前曾遴委諳練工員自上而下以次查較盛漲水痕擇其必須加培萬不可緩者分別官隄民堰擇節確估由運河道復估造冊詳請惟臣在豫防汛未會履勘均須親詣各工確切詳估以昭核實而杜浮冒現在回空幫船行走迅速於十月三十日全數借出東境臣即親赴運河下游察看微山等湖收蓄水勢以及冬挑事宜並南北應修隄堰閘塌工程運河道洪範熟悉情形深知工程緩急即帶同該道自臺莊溯流

而上直至臨清迤北逐細確勘將來即交該道督率辦理更爲認真切實 又奏竊查本年五月臨清開外衛河水弱經前巡漕臣卓秉恬撫臣陳預駐劄該處督同各該道嚴飭廳縣募夫撈淤一面添雇船隻剝運並經前河臣吳璣復飭運河道於上河廳之柳園頭石佛寺半壁店等處酌做草壩三道下河廳之渡口驛南草寺三里口祝家屯夏莊營房娘娘宮等處酌做草壩六道層層關束擡蓄水勢幫船得以行走迅速極爲得力均經奏明共計用過工料銀一千四百七十六兩六錢八分八釐茲據運河道核實開具印摺請奏臣覆核並無浮冒再此項工程係動用

續行金鑑卷百四 運河水 五

運河道庫節省八束銀兩辦理應請照例報銷奉

硃批工部知道

運河冊

是月二十四日李逢亨奏籍臣由水路自運河廳之濟寧魚臺等汛泇河廳之沛滕嶧等汛直至臺莊以下與江省交界之黃林莊止以次履勘詳細講求俾蓄洩啟閉機宜皆知遵守微湖爲濟運水櫃最關緊要本年兩水應時泉源暢旺臣嚴飭運河道率同廳汛隨時收蓄得寸則寸得尺則尺多多益善總期湖水充裕來年漕運方能迅速九月後各處雨水遞達微湖蓄水較定誌多一尺六寸即較上年收水最大之日亦多收一尺實爲歷年所未有惟是水勢過大

則隄工難免喫重泇河廳之嶧汛滕汛臨湖石堤西抵大湖東逼運河因水勢壘高多有滲漏之處又值西風當令鼓浪撞擊設有疎虞所關匪細前據運河道洪範稟請敢放十五孔橋北首四孔藉資宣洩並於臨湖喫緊處估鑲護埽三段保護岸當經批令相機妥辦茲臣到工察看該處一帶隄頂僅寬丈許原係碎石砌成上加大石現多脫落殘缺之處一遇風浪撞擊勢屬堪虞所鑲護埽係急應趕辦之工查量長深高寬丈尺亦與所報相符臣督令追壓堅穩足資捍禦惟臨湖一面雖經鑲埽護衛而臨河一面石岸壁立且間段殘缺情形尤甚險要該處河面僅

續行金鑑卷百四 運河水 三

寬三四丈土餞不能站立鑲埽又占河道細加相度必須照舊將石堤補修完整方資外衛臣督同運河道隨帶委員逐細確估除找用舊石之外添買新石補砌完固其臨清河隄根尚有餘地者即於石工外估築土餞以歸樽節通計臨湖護埽並臨河土石等工共估銀六千九百餘兩容臣核明另繕清單呈御覽所需銀兩請即於運河充沂兩道庫節省八束銀項下動支應用無庸另請錢糧現在微山湖隄岸內外修理堅固前藉宣洩敢放十五孔橋北首之四孔今已堵閉點水不令外出現存水一丈三尺二寸五分以後再有長水足以容納來年漕運可期充裕至

運河下游兩岸隄工間有卑薄之處酌估幫培其前次奏明估修運河泃河之楊莊師莊兩閘復加勘核均屬無浮已據承辦各員購運石料到工俟空水之後卽行興辦奉  
運河  
道冊  
硃批依議辦理

續行水金鑑卷第一百二十五

運河水 章廣五十三

嘉慶二十一年二月二十六日陶澍奏竊臣奉命巡漕刻刻以嚴切催餉爲要現在首進全幫盤驗在即約可早上年十餘日惟因正月內雨少風多江湖陡落河道間有淺阻雖經設法甬撈各船相次跟渡江湖亦漸暢旺可無虞淺滯但臣查江浙爲漕務最多之地而鎮江又爲江浙運道咽喉未可以日前尙屬暢順卽忘遠慮臣因籌催之際親歷該處湖閘始知前人立法周詳不可不亟爲修復請爲我

皇上陳之 一練湖宜濬治也鎮江運河水無來源惟

丹陽縣西有練湖一所古名曲阿後湖收納長驪諸山八十四汶之水滯蓄濟運與山東微山諸湖相似自康熙年間上練湖壅爲民田下練湖亦日見淤塞一望荒煙春夏漲發既虞其潰隄秋冬水涸又無以濟運查河臣黎世序於鎮江府任內曾捐建三閘但湖底未深水難存蓄能灌田而不能濟運計下練湖周圍四十里若得挑濬使水有所滯遇湖枯時湖水開放一寸運河卽可增長一尺不特丹陽無慮並可以接濟丹徒之上矣 一甘露港宜挑深也鎮江口門寬祇數丈而自丹徒至常州一百六十里間皆藉此口納湖未免源少流長查江口稍下有甘露港亦

係納湖之所其水從北固關前流經北水關入城出  
南水關長一千三百餘丈便民濟運由來已久近年  
淤墊不通江湖間城中百姓因汲水維艱亦願捐挑  
若得官爲勸勵辦理是又添一納湖之所於漕行自  
更利矣 一閘座宜整理也丹陽有奔牛呂城等閘  
所以收練湖之水下瀉丹徒有西門南門等閘所以  
防江湖之迴退而丹徒之橫越二閘尤爲旁納江湖  
要地近因石縫坼裂閘底漏水不能下板收蓄以致  
急迫時用匱絮絮貼且閘底低於河身內寬而外隘  
潮來既不能暢入湖退且並底水撤去此因木商捐  
修利於解筏之轉側而不知漕運已困之膠淺尤宜

續行水金鑑卷百三十五 運河水二

早爲修整也 一積土宜起除也鎮江河道原係秦  
隋時鑿山而成岸偏崖高如頭道溝野狗墩豬婆灘  
諸處兩岸陡立各長四五百丈高二三十丈不等出  
土無路河底之掘挖日深則兩岸之傾側日甚兼之  
興挑例在隆冬手足癩瘡一遇雨雪滑跌尤多一夫  
所挑不過八撮比及山頂已傾灑過半大雨之後仍  
復衝洗入河此所以旋挑旋淤也爲今之計或將所  
挑之土運出大江傾棄或設法搬移至荷花塘及邵  
伯湖西一帶填補隄埂緯道或卽就高處酌抽土巷  
數條俾繞至山後出土總之舊土縱難盡除而新土  
則斷不可再加矣以上數條皆係前人成法特以廢

弛已久故運道日漸艱難臣溯查舊案無歲不有淺  
阻之事一值江湖陡落百餘里長河無從接濟兼之  
江湖挾沙而入每日計厚一錢以一年計之厚及尺  
餘從前曾有二十年一疏五年一挑之說近則五年  
一大挑一年一小挑而仍不免淺阻總緣人人苟安  
目前而不爲遠計置成法不問而徒恃夫挑工不知  
挑工及於河底而止而江湖之起落無常是收水之  
閘座宜先而引潮蓄水之港湖不可不講也奉

上諭據陶澍奏鎮江運河閘多淺阻宜濬治練湖甘露  
港等處以裕來源並修整閘座起除積土各條其言是  
否可行著百齡勅明核議具奏

續行水金鑑卷百三十五 運河水三

是月二十七日李逢亨奏臣查接管卷內前任正總  
河臣吳敬副總河臣李鴻賓於十九年九月內先  
後具奏運河廳濟寧汛南門橋共估工料例幫價銀  
七千七百三十九兩七錢又加河廳嶧汛侯遷閘共估  
例幫價銀一萬三千四百七十一兩一錢又微山湖  
隄嶧汛嶧字九號韓莊閘上下大石工共估例幫價  
銀三千五百四十四兩七錢又滕汛運河東岸滕字  
石工三段修永閘共估例幫價銀一千三百五兩八  
錢又上河廳臨清汛輒間共估例幫價銀一萬三千  
三百三十一兩一錢至西岸下雁翅接修駁岸卽選  
用舊石以資撙節錢糧以上各工並聲請分別動用

司庫及充沂運河道庫節省銀款辦理均經奉

旨准辦飭行茲據具報各工先後修築完竣經運河道

查驗橋閘石工俱照估如式完整開具印摺詳請具

奏臣復加察核無異

運河道冊

五月十八日工部查得南河歲搶修直隸永定河歲

搶修均會定有限制而豫東二省歲搶修直隸南北

運河歲搶修向無一定銀數致東省黃河十八年搶

修報用銀數較之歷年准銷成案大相懸殊若不定

以限制恐逐歲加增何所底止嗣後山東黃河搶修

工程酌定每年不得過四萬五千兩並將山東運河

歲搶修豫省黃河搶修直隸南運北運二河搶修各

續行水金鑑卷五十五

運河水四

工一概定以限制以歸畫一查山東省運河歲搶修

歷年需銀自四萬二千六百餘兩至四萬七千五百

餘兩不等應酌定嗣後每年不得過四萬五千兩豫

省黃河搶修歷年需銀自二十一萬五千四百餘兩

至二十三萬六百餘兩不等應酌定嗣後每年不得

過二十三萬兩直隸南運河搶修歷年需銀五千九

百數十餘兩應酌定嗣後每年不得過六千兩北運

河搶修歷年需銀一萬四千二百餘兩至一萬八千

八百餘兩不等應酌定嗣後每年不得過一萬七千

兩仍令該督等隨時察看工程平險情形核實簿節

修辦毋得以歲有定額任聽承辦工員等儘數報銷

以歸核實是日奉

旨依議

運河道冊

六月十五日李逢亨奏臣接據運河道洪範稟報本

年入伏前後東省疊次大雨各路山泉坡水及上游

南陽昭陽二湖匯注微山湖現存水一丈四尺六寸

波濤浩瀚土石隄岸在在喫重若不急籌宣洩或再

加長一二尺卽有盈滿之虞昨經該廳將微湖尾間

伊家河開通水勢建瓴直下雖極暢利而來源匯注

仍屬消不敵長每日復長一二寸擬自重運尾幫挽

上韓莊卽將湖口新開板塊全行啟除俾資暢洩儘

消水仍屬無多再酌啟舊開兩閘並放總以水深一

續行水金鑑卷五十五

運河水五

丈四尺爲度卽行下板攔蓄並加謹防護臣查微湖

專爲東省韓莊迤南入閘及江省邵宿長河濟運之

用當水小之年涓滴皆爲有益原不應多爲宣放惟

查運河備覽向例收水一丈二尺以外卽須分洩誠

以土石隄岸有一定丈尺僅存水過多難以容納且

秋冬時西風鼓盪坍塌堪虞查上年收水一丈三尺

六寸其隄岸喫緊並石工滲漏處曾經奏請勅帑補

修完整一面酌啟十五孔橋宣洩方資保護今存水

較上年尤大一尺現在仍見增長更屬可虞自應如

該道所稟廣籌宣洩以保隄岸而衛田廬並飭將至

緊至要之處酌估增培或鑲護埽加謹防護務保萬

全運河  
全道冊

閏六月初九日陳預奏南糧重運幫船已催出柘園東境共八十一幫前經奏報茲據護理濟東道錢俊稟報自初二日起至初五日止衛河陸續長水三尺一寸現深一丈三尺四寸衛高汶一尺九寸在後幫船尚未抵臨現在嚴板深閉擊蓄汶水俟幫船挽到察看衛水情形隨時啟閘打放臣查現當大雨時行之際衛水長落靡定且數日來天氣晴霽疏消較易當即飛飭該道督同地方河工員弁多雇人夫趕緊挑挖壩於務期一律深通俾重運到臨無虞阻滯至南糧幫船未經出閘止餘十七幫內尚未週濟寧十

續行水金鑑卷百五

運河水一六

二幫計在後幫船到臨之候臨口已可疏通不致有稽挽運如衛水再有增長箱口壩未能深通即當飛飭臨清州督同相機設法辦理另行具奏再武城一帶長河水勢現深一丈二尺六寸現飭該縣等於兩岸隄堰卑薄處所多撥民夫層礮層土趕築高厚俾衛田廬並據恩縣稟報已於初六日遵照向例將四女寺支河土壩全行開放水自石壩橋孔流出勢甚

暢達  
運河  
道冊

是月十九日陳預奏本月初旬因衛水盛長高於汶水閉閘蓄汶並開放四女寺支河土壩宣洩情形經臣奏報旬日以來因上游水勢漲發衛河疊見增長

當即飭令護濟東道錢俊督同臨清州汪汝弼上河

通判方傳毅將閘門緊閉不使涓滴入汶以防倒灌一面飭令將沿河隄堰加高培厚並衛田廬正在籌辦聞旋據運河道稟報堂博汛魏灣三孔橋迤南官堤毗連馬頰河連次大雨土鬆水湧致埝塌三丈有餘即趕辦料物星夜堵築臣因該處相距臨清口門僅止六十餘里若走洩運河水勢驟難收蓄當即飛飭濟南府同知汪霖即由臨清馳赴該處會同上河通判方傳毅暨東昌府知府高載不分兩夜趕緊修築茲據報該廳等晝夜搶辦業已趕築堵合鑲壓穩固探量汶水於十二四兩日共長水三尺三寸而衛

續行水金鑑卷百五

運河水一七

水未見消落現止高汶一尺三寸今復飭開放德州哨馬營支河俾資分流宣洩所幸數日來天氣晴霽宣洩較易刻下永建鉛山等幫已抵臨清其在後各幫亦不致運滯一俟日內衛水消落即行挑挖淤淺啟閘通漕趕緊灌塘打放臣現於拜摺後即自省起程馳赴臨清督率相機設法妥辦俾全幫早出東境仰慰

聖懷  
運河  
道冊

是月二十四日陳預奏臣前將衛水壘長嚴閉閘板蓄汶敵衛緣由先經具奏查汶水自堵合三孔橋堤工日見增長於十八日以後衛水亦漸消退僅高於